

इतरो अभिमान बन्दा क्या रो करे,

दोहा राम नाम की झुपड़ी,  
पापी के दस गाँव,  
आग लगो उण गाँव में,  
जहाँ नहीं हैं राम को नाम ।  
बन्दा चला जब शहर को,  
मन में बड़े अरमान थे,  
एक तरफ थी झाड़ियां,  
एक तरफ श्मशान थे ।  
जब टोकर लगी हड्डी की,  
वो उनके बयान थे,  
अकड़ कर मत चल बन्दे,  
हम भी कभी इंसान थे ।  
भे माता में सांसो पड़ियो,  
ढाँढ़े री जगह मिनख घड़ियो,  
लगाणा था सींग और पूँछ,  
लगा दी दाढ़ी और मूँछ ।

इतरो अभिमान बन्दा क्या रो करे,

इतरो गुमान बन्दारो करे,  
जिवडा क्यारो करे रे,  
करले तू जतन हजार,  
आखिर एक दिन जाणो पड़े ॥

हुया बड़ा बड़ा भूप,  
बातां भूढिया करे,  
बातां भूढिया करे रे,  
पड़ा रिया धनुष कबाण,  
जगह पर गायां घास चरे,  
इतरो अभिमान बंदा क्या रो करे ॥

दौड़े दिन रात लोभ,  
अणुतो करे रे,  
लोभ अणुतो करे रे,  
होवेला थूं बम्बी वाळो रे सांप,  
धरती पर पड़ियो लिकटिया करे,  
इतरो अभिमान बंदा क्या रो करे ॥

करयोड़ी कमाई खोटी,  
आडी तो फिरे रे,  
थारे आडी तो फिरे,  
लेवे कोनी रामजी रो नाम,  
सत्संग में बैठो बाता करे,  
इतरो अभिमान बंदा क्या रो करे ॥

रामजी रो नाम थोड़ो,  
हिरदे में धरे,  
थोड़ो हिरदे में धरे रे,  
दास भगत रट राम,  
साँवरियों बेड़ा पार करे,  
इतरो अभिमान बंदा क्या रो करे ॥

इतरो अभिमान बंदा क्या रो करे,  
इतरो गुमान बन्दा क्यारो करे,  
जिवडा क्यारो करे रे,  
करले तू जतन हजार,  
आखिर एक दिन जाणो पड़े ॥

स्वर सुनीता जी स्वामी ।  
प्रेषक रामेश्वर लाल पँवार ।  
आकाशवाणी सिंगर ।  
9785126052

Source: <https://www.bharattemples.com/itro-abhiman-banda-kya-ro-kare/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>